

## Осмонлару ернинг мероси Аллоҳникидир



16:00 / 01.03.2023 3597

Аллоҳ таоло Қуръони Каримда шундай марҳамат қиласи:

خَيْرًا هُوَ فَضْلِهِ، مِنْ اللَّهِ إِاتَّهُمْ بِمَا يَبْخَلُونَ الَّذِينَ يَحْسَبُنَّ وَلَا

الْقِيمَةُ يَوْمَ يَبْدَأُ<sup>١</sup> بَخْلُوا مَا سَيْطَرُوا قُوَنَ لَهُمْ شَرُّ هُوَ بَلَ لَهُمْ

خَيْرٌ تَعْمَلُونَ إِمَّا وَاللَّهُ وَالْأَرْضُ أَسْمَوْتِ مِيرَاثٌ وَاللَّهُ  
١٨٠

**«Аллоҳ Үз фазлидан берган нарсага баҳиллик қиласиганлар буни ўзларига яхшилик деб ҳисобламасинлар. Аксинча, бу уларга ёмонликдир. Қиёмат куни баҳиллик қилган нарсалари ила бўйинлари ўралур. Осмонлару ернинг мероси Аллоҳникидир. Ва Аллоҳ қилаётган амалларингиздан ўта хабардордир»** (Оли Имрон сураси, 180-оят).

Ислом дини таълимоти бўйича, инсоннинг қўлидаги мол унга Аллоҳ Үз фазлидан берган омонатдир. Шунинг учун у мазкур молни унинг ҳақиқий эгаси – Аллоҳнинг розилиги йўлида сарфлаши керак. Аммо баҳиллик қилиб, Аллоҳнинг йўлида сарфланмай, тўпланган мол эгасининг кўзига яхши бўлиб қўрингани билан, аслида яхшилик бўлмайди. Ким баҳиллик билан тўплаган молини яхшилик деб ҳисобласа, нотўғри ўйлаган бўлади.

**«Аллоҳ Үз фазлидан берган нарсага баҳиллик қиласиганлар буни ўзларига яхшилик деб ҳисобламасинлар. Аксинча, бу уларга ёмонликдир».**

Бандачилик. Сиртдан қараганда, баҳиллик гўё молни муҳофаза қиласи. Тарқалиб, йўқ бўлиб кетишидан асрайди. Лекин мол бу беш кунлик дунёда тўпланади, агар ўлиб кетса, қолади. Қолганда ҳам, баҳиллик ила тўплангани учун бало-офат бўлиб қолади.

**«Қиёмат куни баҳиллик қилган нарсалари ила бўйинлари ўралур».** Бу ўралиш қандай бўлишини ҳадиси шарифдан билиб олишимиз мумкин.

Имом Бухорий раҳматуллоҳи алайҳи Абу Ҳурайра розияллоҳу анҳудан ривоят қилган ҳадисда Набий алайҳиссалом:

«Аллоҳ кимга мол берса-ю, у закотини бермаса, қиёмат куни мол унга кўзойнакли улкан илон бўлиб қўринади ва бўйнига ўралади. Сўнгра икки чеккасидан тишлаб туриб, «Мен молингман, мен сен тўплаган

хазинангман», – дейди», – дедилар. Кейин «Аллоҳ Үз фазлидан берган нарсага бахиллик қиласынлар буни ўзларига яхшилик деб ҳисобламасынлар» оятыни охиригача ўқидилар».

Ибн Жарир раҳматуллоҳи алайҳи ривоят қилған бошқа бир ҳадисда Набий соллаллоҳу алайҳи васаллам:

«Бир киши ўз қариндошига келиб, Аллоҳ унга берган фазлдан беришини сұраса-ю, у бахиллик қилиб, бермаса, албатта, жаҳаннамдан катта илон чиқиб, тили билан ялаб-ялаб, бўйнига ўралур», – деганлар.

Ҳа, инсон қанчалик узоқ яшамасин, қанчалик кўп мол тўпламасин, барибир бир куни келиб ўлади ва молу мулкини тарқ этади.

**«Осмонлару ернинг мероси Аллоҳникидир».**

Ҳамма-ҳаммаси Аллоҳга қолади. Ҳеч бир инсон дунёга устун бўлмайди.

**«Ва Аллоҳ қилаётган амалларингиздан ўта хабардордир».**

У Зот ким бахил, ким бахил эмаслигини жуда ҳам яхши билиб туради.

**«Тафсири Ҳилол» китоби асосида тайёрланди**